

Kommunal- og moderniseringsdepartementet
Postboks 8112 Dep
0032 OSLO

Vår ref.: 21/374-3/GG

Dykkar ref.:

Dato: 15.10.2021

Høyring av forslag til ny ekomlov, ny ekomforskrift og endringer i nummerforskrifta

Medietilsynet viser til Kommunal- og moderniseringsdepartementets høyringsbrev av 2. juli 2021 med forslag til ny ekomlov, ny ekomforskrift og endringer i nummerforskrifta.

Medietilsynet er statens forvaltningsorgan på medieområdet. Det følger av samfunnsoppdraget for Medietilsynet at tilsynet skal medverke til å oppfylle dei overordna mediepolitiske måla om ytringsfridom og demokrati gjennom ein open og opplyst offentlig samtale, jf. Grunnlova § 100. Medietilsynet medverkar til å fremme dei mediepolitiske måla ved å legge til rette for mediemangfald og kritisk medieforståing i befolkninga. Ei av oppgåvene til Medietilsynet er å gi konsesjon for kringkasting og lokalkringkasting.

Medietilsynets merknad gjeld tildeling av frekvensløyve til kringkasting. Det er Nkom som gir slike frekvensløyve. Vi viser til forarbeida til kringkastingslova (Ot.prp. nr. 107 (2001-2002) punkt 2.4.3), der det går fram at konsesjon til oppretting og drift av sendaranlegg til kringkasting (anleggskonsesjon) og frekvensløyve skal tildelast samla og utgjere eit integrert heile.

Vi legg til grunn at endringane som er foreslåtte når det gjeld tildeling og overføring av frekvensløyve ikkje er til hinder for at samordna tildeling kan praktiserast slik det er lagt opp til etter kringkastingsregelverket.

Vi viser i denne samanhengen særleg til tildelingsprosedyren for analog lokalkringkasting (FM) i kringkastingsforskrifta¹ § 7-4 andre ledd, der det heiter at (...) *konsesjon direktetildeles til søkeren der det kun foreligger én søknad. Ved overskuddsetterspørsel avgjøres tildelingen ved loddtrekning.*

Vi viser vidare til reglane om overdraging av konsesjonar i kringkastingsforskrifta § 7-1 andre ledd: *Konsesjon til lokalkringkasting kan ikke overføres uten godkjenning fra Medietilsynet. Det samme gjelder erverv av aksjer eller andeler som gir kontroll over foretak, forening eller annen sammenslutning som har konsesjon til lokalkringkasting.* Slik praksisen er nå, gjer Medietilsynet vedtak om overføring i

¹ Forskrift 28. februar 1997 nr. 153 om kringkasting og audiovisuelle bestillingstjenester

saker med godkjenning. Når godkjenninga også gjeld anleggskonsesjon, gir Nkom etter denne praksisen tilhøyrande frekvensløyve til aktøren som får anleggskonsesjon overdratt til seg.

I forslaget sitt til rammevilkår for lokalradio på FM frå 1. januar 2022 legg Kulturdepartementet opp til tilsvarande ordning (truleg med unntak av dei såkalla sløkkeområda, som i hovudsak gjeld Oslo, Bergen, Trondheim og Stavanger).

På bakgrunn av dette ønsker vi særleg å peike på at det må sikrast at tilhøyrande frekvensløyve kan tildelast eller overførast i samband med at Medietilsynet tildeler og overfører anleggskonsesjonar til analog lokalradio etter reglane i kringkastingsregelverket.

Med helsing

Hanne Nistad Sekkelsten
direktør for juridisk og regulatorisk
avdeling

Gudbrand Guthus
seniorrådgivar

[Dette dokumentet er elektronisk godkjent og treng derfor ikkje underskrift](#)